

**Cofnodion o'r cyfarfod arbennig o'r Cyngor Llawn a gynhaliwyd yn Neuadd y Sir,  
Llandeilo ar ddydd Mercher Hydref 1af 2003 am 8.10 pm**

Presennol: Cyngorwyr: Cyng D. A. Jones (Maer) (Cadeirydd), Cyng G. Vaughan Jones (Dirprwy Faer), Cyng S. Burge, Cyng K. Day, Cyng G. Price, Cyng C. Jenkins, Cyng R. Bellamy, Cyng I. Gwyn.  
*Arall: Colette Paterson (Clerc y Dref). R. Huw Griffith (Swyddog Technegol)*

Prif bwrpas y cyfarfod hwn oedd i drafod a derbyn Adroddiad yr Archwilydd Mewnol. Gan mai newydd dderbyn hwn y mae'r rhan fwyaf o aelodau'r Cyngor, torrodd y Maer y cyfarfod am ddeng munud er mwyn gadael i'r Cyngor gael amser i ddarllen yr adroddiad.

**5866:** Adroddiad yr Archwilydd Mewnol. Anerchodd yr Archwilydd Mewnol Mr H. Towns y cyfarfod. Nododd y Cyngor bod yr adroddiad yn welliant ar un y flwyddyn flaenorol. Dywedodd Mr Towns nad oedd hi'n bosib mynd i'r afael â llawer o'r materion a nodwyd yn yr adroddiad Archwilio blaenorol achos nad oedd Clerc gan y Cyngor, ni chwblhawyd Archwiliad 2002-2003 tan 30ain Mawrth 2003, diwrnod olaf y 'Flwyddyn Ariannol', felly nid oedd yn bosib gwneud penderfyniad ar lawer o'r materion. Sylwodd ar y gwelliant presennol a dywedodd bod llawer o'r beirniadaethau wedi eu trosglwyddo o'r flwyddyn flaenorol. Mae hefyd yn bwysig i nodi bod y Cyngor nid yn unig wedi cael tri Chlerc gwahanol yn ystod y flwyddyn, ond hefyd cafodd gyfnod o dua chwe mis heb Clerc o gwbl. Roedd angen i'r Cyngor glirio Statws y Rheoliadau Cyllidol a fabwysiadwyd mewn Egwyddor yn unig.

Clerc y Dref a'r Cyng Bellamy i drefnu cyfarfod i groesgyfeirio'r Rheoliadau Cyllidol a'r Rheolau Sefydlog, ac i edrych ar y Rheolau Cyllidol yn fanwl. Y Rheoliadau Cyllidol i fod yn Eitem ar Agenda cyfarfod nesaf y Pwyllgor Cyllid.

**5867:** TAW- cyfeiriwyd rhai o'r anfonebau o'r Flwyddyn Ariannol ddiwethaf at gynghorydd. Nid yw'n bosib adennill y TAW pan mae hyn yn digwydd. Rhaid cymryd gofal nad yw hyn yn digwydd yn y dyfodol. Dylid cyfeirio anfonebau sydd yn ymwneud a gweithgareddau'r Cyngor at y Cyngor a'u gweinyddu drwy'r Clerc.

**5868:** Sicrwydd Ffyddlondeb; Gan fod cronfeydd wrth gefn y Cyngor wedi codi eto roedd rhaid codi lefel Sicrwydd Ffyddlondeb i £55000.

Clerc i gysylltu â Zurich Municipal i gynyddu lefel yr yswiriant i £55000.00 cynigiwyd gan y Cyng Bellamy, eiliwyd gan y Cyng Vaughan Jones.

**5869:** Y Gyllideb; Nid oedd cyfiawnhad am bob un ffigwr, dim ond set o ffigyrau. Mae angen i'r Pwyllgor Cyllid gofnodi dyraniad arian i fewn i'r Gyllideb yn fwy manwl. Roedd gormod o arian hefyd yn cael ei gadw yn y cyfrif Busnes llog isel. Roedd yn angenrheidiol i gadw'r swm hwn yn isel gan drosglwyddo unrhyw arian i mewn i'r cyfrif Di-rybudd ym mhob Cyfarfod Cyllid er mwyn gwneud y gorau o'r llog a enillir.

Eitem Agenda i gyfarfod nesaf y Pwyllgor fydd Dyranriad Cyllid. Y Clerc i ddod a chysoniad manylach i bob Cyfarfod Cyllid fel y gellir trosglwyddo'r arian.

**5870:** Diolchwyd Mr H. Towns am ei waith ac am ddarparu adroddiad teg.

Derbynnir adroddiad yr Archwilydd Mewnol gan Gyngor Tref Llandeilo Fawr. Cynigiwyd gan y Cyng. Day, eiliwyd gan y Cyng Vaughan Jones.

**5871:** Y Drafft Terfynol o'r Cyfrifion i'w Harchwilio. Gan dderbyn cofnod rhif 5829, cyflwynodd Clerc Y Dref y newidiadau canlynol i'r cyfrifon. Taenlen yr Incwm, symudwyd y ffigyrau o wariant Swyddfa i Gyffredinol - y rhai hynny sydd yn ymwneud a'r hysbyseb am y swydd fel Clerc y Dref. Yr anfonebau wedi eu gwneud allan i'r cynghorwyr, TAW ddim yn ad-daliadwy, felly wedi ei symud o golofn TAW i'r golofn dreuliau. Arian wrth gefn wedi ei glustnodi a'i newid fel a ganlyn ar sail Datganiad flaenorol y Cyllideb:

Adran 137	£3480.00
Eglwys	£385.00
Digwyddiadau	£3350.00
Ffordd Osgoi	£6041.00
Goleuadau Stryd	£4263.00
Goleuadau Nadolig	£1313.00
Llandeilo mewn Blodau	£1000.00
Tywyslyfr y Dref	£1827.00
Arian Cyfatebol	£3241.00
<b>Cyfanswm</b>	<b>£24900.00</b>

Symudwyd bathodynau'r Cynfaer ac ati o Gofrestr Ased i Gofrestr Stoc newydd fer fel a ganlyn:

EI TEM	PRYNWYD GAN	LLLEOLI	GWERTH	SEILI EDIG
Medaly Cyn Faer (6)	Thomas Fattorini	Crescent House	Yr Un £72.00	Cost
Broetsh y Cyn Faeres (6)	Thomas Fattorini	Crescent House	Yr Un £69.00	Cost
Platiau Arflun y Dref (8)		Crescent House	Yr Un £10.00	Cost

Mygiau Arflun y Dref		Neuadd y Sir	Yr Un £8.00	Cost
----------------------	--	--------------	----------------	------

Eitemau a gyflwynwyd yn ystod 2002-2003

Bathodyn gwasanaeth y Maer Blynnyddol a roddir i'r Maer sy'n ymadael £72.00  
 Broetsh gwasanaeth y Faeres Flynyddol a roddwyd i'r Faeres sy'n ymadael £69.00  
 Plat Tref Llandeilo a roddwyd i dîm Rygbi ysgol oedd ar daith.

**5872:** Gwnaed y newidiadau hyn yn dilyn ymgynghoriad gyda'r Archwilydd Mewnol,

Mae Cyngor Tref Llandeilo Fawr yn derbyn Cyfrifon I ncwm a Gwariant fel a gyflwynwyd i'w harchwilio. Cynigiwyd gan y Cyng. Bellamy, eiliwyd gan y Cyng. Jenkins, wedi ei basio gyda phawb o blaid.

**5873:** Datganiad Sicrwydd :Mae'r Cyngor yn ymateb fel a ganlyn:

'I e' i gwestiynau 1,3,4,6,7,8 a :

'Na' i gwestiynau 2 a 5.

Mae'r Cyngor yn gobeithio y bydd yn mynd i'r afael â'r materion sydd yn weddill yn y Fwyddyn Ariannol nesaf.

Mae Cyngor Tref Llandeilo Fawr yn cymeradwyo Datganiad Sicrwydd yr Archwiliad Allanol fel a ddisgrifir uchod. Cynigiwyd gan y Cyng. Gwyn, eiliwyd gan y Cyng. Vaughan Jones, wedi ei basio gyda phawb o blaid.

**5874:** Taliaadau Maes Parcio a'r Diweddaraf ar y Ffordd Osgoi : Mae bellach yn anochel y codir tâl yn y Maes Parcio yn y dref. Dywedodd y Cyng. Vaughan Jones os yw hyn yn digwydd bod angen ystyried cyflwr y Maes Parcio.

Clerc i ysgrifennu at Gadeirydd C. S. C. i ofyn am welliannau i'r maes parcio.

Yn ystod cyfarfod a gynhaliwyd rhwng Network Rail a'r Maer a'r Cyngorydd Sir I. Jones i ystyried prosiect Ffordd yr Orsaf a mater y Ffordd Osgoi. O wybod y rheoliadau Ewropeaidd presennol o ran Llifogydd, fe ymddangosir nad yw'r ffordd bresennol a gynygir ar gyfer ffordd osgoi yn ymarferol. Roedd y Maer a'r Cyngorydd Sir I. Jones hwy ill dau wedi ysgrifennu llythyrau unigol at Andrew Davies yn y Cynulliad Cenedlaethol gan gynnig ffordd arall ymlaen drwy ailgyfeirio'r ffordd osgoi. Gyda ffordd Rhydaman yn troi yn ffordd gefn a ffordd Gorslas yn troi yn briffordd, yr A476 o Crosshands i Ffairfach, awgrymwyd mai'r ffordd

liniaru rhataf a'r lleiaf trafferthus byddai ar draws y cwm gan ymuno â'r ffordd osgoi ogleddol sydd yn bodoli'n barod.

Cefnogwyd llythyr y Maer gan Gyngor Tref Llandeilo Fawr. Cynigiwyd gan y Cyng. Gwyn ac eiliwyd gan y Cyng. Bellamy. Y Ffordd Osgoi i'w hychwanegu fel eitem agenda ar gyfer cyfarfod nesaf o'r Cyngor Llawn.

Diolchodd y Gadair i bawb am fynychu'r cyfarfod ychwanegol a daeth y cyfarfod i ben am 9.10 pm.